

quam saecularibus denunciandum praescribere utpote ordinare, quod tantummodo diebus festis et quarta et sexta feria liceret sacerdotibus monialibus et saecularibus Eucharistiae Sacramentum ministrare. Tamen nihil ex arbitrio suo de hac re ausus est determinare, ne videretur fortasse praeter intentionem concilii Tridentini Sess. 22. cap. 6 ordinare, sed totam hanc rem ad SS. D. P. detulit, qui hoc negotium vobis Illmis DD. Cardinalibus declarationi Concilii Tridentini praepositis determinandum demandavit. Quapropter Episcopus Brixien. Illmas et Rmas Amplitudines vestras rogat, ut eidem dignentur declarare et modum praescribere, quo in hac re saluti animarum sua dioecesis sit consulendum etc.: „An Episcopo volenti certa tempora statuere, nempe, dies dominicas, quartam et sextam feriam, quibus liceat viris laicis conjugatis SSman Eucharistiam sumere, ob irreverentiam, quam posset quotidiana hujus sacramenti sumptio in sua dioecesi parere, obstet decretum conc. c. 6. sess. 22?

*Votum Cardinalis Carafae.*

Ex traditione Apostolorum hoc institutum emanare, ut adstantes fideles missis SSmae Eucharistiae perceptione communicent, probatur ex sententia SS. patrum in cap.: *Peracta de consecr. a. 2.*, ibi passim ex Gratian. adducitur varia consuetudo in diversis temporibus communicandi. Concilium vero Tridentinum dixit Anathema iis, qui dicent illicitas esse missas, in quibus solus sacerdos sacramentaliter communicat. Deinde idem Concilium, *optaret*, inquit, ut adstantes fideles communicarent, quia, ut tradit s. Thom. 4. Sent. dist. 52. qu. 3 art. 2. et reliqui DD. omnes, quod frequenter communicare est per se bonum nisi ratione accidentis alicujus, nempe si

inordinate fiat vitio communicantium. Et ut indicaret s. Synodus, quod hujusmodi, quod est melius per se, potest impediri, non absolute dixit *optat*, sed: *optaret*, ut omnes essent tales, ut idonei essent, ut possent cum Psalmista dicere: *Gustate et videite, quoniam suavis est Dominus*; sicuti eadem s. Synodus in cap. 7 et 8 sess. 13 de doctrina s. Eucharist.

Ex quibus consequitur haec conclusio, quod non videtur absolute obstatre proposito themati hujusmodi decretu concilii“.

„Deinde considerandum, quod nulli Sacramentum Eucharistiae poscenti denegari potest, nisi publicis peccatoribus, s. Thomas 3. qu. 80. art. 6.“

„Hinc sequitur, quod hujusmodi prohibitus nihil aliud censeri potest nisi quadam excommunicatio minor, ut quis arceatur a Sacramento altaris, nec fit nisi ob peccatum mortale (cap.: *Inimicus XI. 9. 3.*) Ergo Episcopus hujusmodi praefinitionem facere non potest“.

„Sed per verba Concilii existimandum est, id neque posse; nam quotidiana communionem non praecipit sed optaret, quod si optaret, procul dubio videtur, non certo posse praefiniri a nemine, cum tota haec res in praeparatione animi consistat, ut dicitur in dicto cap. 7: *Probet autem seipsum homo*“.

„Et ecclesia praecipit, ut saltem semel in anno communicent, non autem ut non communicent nisi talibus diebus. Idem habetur ex cap.: *Quotidie de consecr. dist. 2.*, in quo duo colliguntur, quod nec laudat nec vituperat quotidie communicare; deinde judicat remittendum in totum conscientiae accipientis, dummodo hoc faciat, quod secundum fidem suam pie credit esse faciendum“.

„Si ergo praefiniri non potest quibus temporibus haec frequentia sit admittenda, videtur etiam episcopo non licere id quod petit, cum totum negotium consistat ut unusquisque paratus accedat“.

„Sed in aliquibus non vitatur lapsus nec sentitur processus, quod vita velut proscripto transigitur, iidem hesterni atque hodierni mores; cum unicum hujus bene gesti negotii sit argumentum virtutis profectus, adire frequenter divinam mensam hos desinere oportet“.

„Qui vero assequuntur ut si progredi nequeant, sed hac coelesti medicina continentur, ne labantur, his consilium dandum ut crebro accendant, iis autem, qui matrimonio junci sunt et oportet ut negotiis saecularibus praecipue implicati sint, et non cogitant, inquit apostolus, quae Dei sunt sed mundi, divisi enim sunt, nullo modo consilium dari potest, ut quotidie communicent; non enim possent scire, quid sit oratio et quomodo orandum sit, nedum quanta cum reverentia accedere oporteat ad hoc augustissimum Sacramentum; quos ut vacent orationi, idem s. apostolus separari admonet“.

„Sed Episcopi id erit, ut paterne cum illis agat, quibus communicare non est consulendum, ut dictum est, hortationibus, ut cognoscant plurimi facere, quod eis assiduitate viluerat; dieo de illis, de quibus primo loco dixi; et ostendat etiam confessoribus suum munus, postremo praedicatoribus de praeparatione necessaria adhibenda et quanta esse debeat“.

„Eodem modo procedendum cum conjugatis, ut discant et cognoscant hanc sanctam praeparationem et quod non potest fieri, ut in matrimonialibus actibus mens non remaneat perturbata, et cum status hujusmodi sit negotiosus ut mens aliquando non distrahat in

his sanctis actionibus ut non cogitet quae sunt mundi“.

„S. Apollonius solus hortatus est suos monachos ad quotidiam communionem“.

„Et in primordio nascentis ecclesiae, si erat talis consuetudo, considerandum quales fuerint illi“.

„S. Franciscus diebus dominicis tandem communicabat.“

„S. Benedictus singulo quoque mense praecipit suis monachis“.

„De hac materia S. Thom. 2. quaest. 80. art. 10., Turrecr. cap. *Peracta de consecr. dist. 2.*“

„Ex quibus omnibus concludi videatur quod in ecclesia a tot SSmis Patribus fuit praefinitum et hucusque varia opinio extat. A nobis etiam aliquid novi non videtur decernendum, sed cum lex feratur, ut in pluribus (potest enim esse, ut digni plures quotidie sumant et quotidie de virtute in virtutem progrediuntur, pauci vero qui non illa charitate et reverentia sumant) et ideo cum de hac re nihil certi determinari possit, existimo relinquendum conscientiae sumentium et iudicio peritorum confessariorum et scribendum episcopo ut suum opus agat in vigilando, ut cum illa quae decet reverentia hoc admirabile Sacramentum administretur, particularia vero proposita declinet et remedia adhibeat in his, quae indigent, rationibus jam dictis et hortetur communionem singulis dominicis et festis solemnioribus diebus etc.“

*Votum Alterius.*

Antequam ad quaestionem propositam formiter respondeam, duo prius excutienda putavi; primum erit: *An liceat?* Secundum dato quod liceat: *An expedit?* Ac demum videbimus: *an huic ordinationi, si fieret, obstat sacram concilium?*“

„Ad primum, res non caret dubio; nam cum haec prohibito in effectu nihil aliud sit quam quaedam minor excommunicatio, per quam quis a Sacramento altaris arcet, quae non debet nisi pro peccato mortali infligi (*Gloss. cap.: Inimicus*) et in casu proposito nil tale supponatur, sequitur non liceat Episcopo talem ordinationem, quae vim excommunicationis obtinet, promulgare maxime contra unitatem, argumento notatorum in cap.: *Romana de Sent. excom. in 6.*“

„Sed quia hoc argumentum eo solum tendit, ut insinuet Episcopum non debere hoc attentare, non autem quod non possit, etsi etiam dicamus non posse, quod juste non possumus arg. I. *Nepos. ff. de verbis. signif.*“

„Ideo aliud subdo argumentum insinuans Episcopum esse destitutum potentia id statuendi. Nam cum jure communi statutum et praeceptum alias fuerit, ut omnes fideles sacrificio missae interessentes communicarent (*C. 59. de consecrat. dist. 1 et cap.: Peracta de consecr. dist. 2.*) hocque ab apostolis institutum dicat s. Thomas (*in 4. dist. 13. q. 3. art. 1*) et episcopus contra jus commune nihil possit statuere (*C. quod super his de major. et obedient.*, ibi: *Dummodo in ipsa synodo non ducas aliquid statuendum quod canonici obviet institutis*) sequitur, ut Episcopus non possit statuere ne quis omni die communicet; nec effugiet vim argumenti Episcopus dicens illis antiquis canonibus derogatum per Cap.: *Etsi non frequenter eadem dist 2., cuius verba sunt haec: Et si non frequenter saltem in anno, ter laici homines communicent*“, et per cap.: *Omnis de poenit. et remiss.*, ibi: „*Suscipiens reverenter ad minus in Pascha Eucharistiae Sacramentum*“.

Cui concordat s. Concilium sess. 13. de Euchar. Sacr. Can. 9. Nam fateor

per haec posteriora decreta relaxatum rigorem antiquorum canonum quoad obligationem poenalem, ita ut non peccet nec excommunicari possit, qui omni die non communicat, sed non ita abrogatos, ut nemini liceat illos observare, quo tendit haec Episcopi concepta constitutio et de directo dictos antiquos canones impugnat et condemnat, quod attentare non ad ipsius sed ad supremae potestatis autoritatem spectare puto. Ex quibus non videtur necessarium ad aliorum articulorum excusione devenire. Verum quoniam haec mea sententia forte ab aliis non probabitur, idcirco veniam ad secundam quaestionem“.

„Supposito igitur quod Episcopus sufficientem causam et etiam potestatem habet id statuendi, quaero: an expedit ut talis edatur constitutio et puto non expedire“.

1) „Res nova est et a nemine quod sciatur intentata, nedum executa unde etiam ab ea Episcopus debet abstinere, cap.: *quis nesciat 11. dist. et arg., cap.: Consuluit 2. qu. 5. ibi: Et quod SS. PP. documento sancitum non est, superstitione adinventione non est presumendum*“.) Et licet haec novitas non sit superstitionis, novitas tamen est, quae et ipsa fugienda est (*Gloss. fin. cap.: Cum consuetudinis de consuet., ubi Jo. Andr. ex Hypocr. ait mutationes omnes periculosas*“).

2) „Cavendum ne populus irritetur seu ad iracundiam provocetur et ne in populo fiant sectae, ne a circumvicinis tamquam excommunicati irrideantur et cum periculo scandali subsannentur vel haereticci sumant occasiones aliquas hoc scientes blasphemias afferendi et alia similia, quae timeri possent eventura et non praevisa, notitatis enim incommoda nisi experientia pracognosci non possunt“.

3) „Nec video, quomodo haec lex posset habere conditions requisitas

ad hoc ut lex dici possit, de quibus in cap.: *Erit autem lex, dist. 4.*“

„Nam cum devotio et reverentia, qua praeditus quisque ad haec veneranda mysteria accedere debet, non dependeat ab humana solum praeparatione quoad continentis; quis potest ex hominibus efficere, ut quilibet de populo quarta et sexta feria ac die dominico sit magis dispositus ad communionem quam aliis diebus, cum gratia Dei diebus non sit obligata, nec dies, ut ait Paulus, nec tempora sunt in his superstitione dividenda nec observanda. Unde unus die sabbathi, aliis altero die, et eadem persona modo uno die modo altero soleat se magis ad id dispositum sentire. Quod spectat ad conjugatos, de quibus non ex precepto sed consilio eadem causa et dist. 2. cap. 21. dicitur: „Omnis homo ante sacram communionem a proprio uxore abstinere debet a tribus aut quatuor vel octo diebus,“ quis novit, quod illorum corpora sint potius illis diebus quam aliis munda, nisi forte Episcopus praeciperet, ut uxorati per tres dies ante communionem a cohabitatione se separent et alii laici a negotiis abstineant, si volunt communicare. Et ex praedictis deducitur quod haec dierum certa praescriptio praebet forte potius occasionem ut majori cum irreverentia accedatur ad communionem, utpote qui ad communandum ex adventu dierum deputatorum magis quam ex intima devotione ad id trahentur, et forte timendum esset potius, ne huic sacramento quae a sacrificantibus irrogetur injuria, qui vel paupertate pressi, vel obligatione vel ratione beneficia adstringuntur, vel superiorum praecerto saepe mortalibus alligati peccatis sacrum contra cap.: *Significan. de praebendis facere coguntur.* Ex quibus mihi videtur non expedire sufficique ut populus a concionatoribus saepe exhortetur et doce-

tur quanta cum reverentia sit ad haec tremenda mysteria accedendum et ut confessarii poenitentes pro diversitate personarum Zacchaei et Centurionis hos impellant et hos retrahant (*arg. cap.: Quotidie eodem de consecr. dist. 2.*)“.

„Superest, ut ad tertium, quod propositam concernit quaestionem, veniam. Pro quo praemitto saepe inter antiquos et modernos doctores in illo articulo variatum: An expedit quotidie vel non communionem sumere, aliis affirmantibus, aliis negantibus, ut est videre ex d. cap.: *Quotidie*, et ex D. in 4. dist. 12. art. 3. ubi D. Thomas et novissime Soto d. dist. 12. art. 10.“

„Et licet D. Augustinus dicto cap.: *Quotidie* non fuerit hunc determinare articulum, licet intrepide hortetur quolibet, attamen s. Concilium (cit. cap. 8. sess. 22.) satis clare insinuat se potius adhaerere illi sententiae, ut quilibet die omnes communicent, quam contrariae. Cujus opinionis scilicet affirmativa, ut mihi videtur, fuit etiam s. Thom., ut supra. Et exinde infero, quod, licet haec si fiat constitutio, non potest dici facta directa contra decreta Concilii, utpote quod in dicto cap. 6. nihil statuat, negari tamen non potest quin facto declareret, sic cum tacita intentione sacro Concilio non concordare, quandoquidem sacrum Concilium optaret ut omnes singulis diebus communicent; haec autem constitutio inhibet ne fiat, et forte melius esset concludere, quod haec constitutio et dictum decretum sibi obviarent et successive, quod quidem ordinationi dictum obstat decretum“.

„Nolle autem, ut quis ex praedictis colligat, me illius sententiae, ut putem expedire quod confessarii passim indulgent suis poenitentibus ut quotidie communicent, quandoquidem in praxi ego id non facile concedere so-

*Quaesita sequentia sunt proposita:*

1. „*An et quomodo communio quotidiana sit permittenda vel restrin-genda quoad saeculares?*“

2. „*Quoad moniales?*“

3. „*Istarum servas?*“

4. „*An et quomodo domestica communio permittenda vel limitanda?*“

5. „*Ac demum quo pacto praenarratis abusibus consulendum?*“

*Votum P. Espanza S. J.*

*Ad primum posse et debere ecclesiastico statuto determinari tempus, citra quod non liceat frequentare ac repetere sacram communionem.*

*Interdicendam ideo esse communionem quotidiana omni et cuivis *communitati laicali*, nec non majori parti cujusque ejusdem *communitatis sive regularis sive saecularis* ea sit, cum hac tamen exceptione, nisi episcopo loci post diligentem discussionem et maturam cum doctis et piis viris deliberationem videretur alicui concedenda communio quotidiana vel magis rara *juxta quod expedire videbitur*.*

*Quoad saeculares seorsim viventes nihil esse innovandum aut speciali statuto praescribendum sed remittendum esse eorum conscientiae et eorum confessariis, addendo tamen, quod episcopi et superiores regulares invigilant huic tanto negotio et cohortationes faciant confessariis et poenitentibus, demonstrando eisabus et incommoda animarum.*

*Simplices sacerdotes seu non approbatos ad confessiones non posse neque debere exponere se confessoribus audiendis sub poenis et censuris ab ordinario infligendis.*

*Quoad communionem domesticam et modum decentem deferendi Sacramentum Eucharistiae observandum esse Rituale Romanum et transgressores illius esse ab Ordinario puniendos.*

team, sed quod non expedit, ut generali decreto id statuatur, sed ut id cujusque conscientiae ac confessariorum prudentiae relinquatur, prout hactenus factum fuit. Puto autem quod episcopus laudabile ejus desiderium facilis consequetur, si operam dabit ut in sua dioecesi pios et prudentes habeat confessarios elisque aliquando conveniat et cum eisdem de iis quae spectant ad confessionem et communionem agat cum charitate sibique addictos reddat, ut facilis eisdem suadere possit, quae in domino expedire judicaverit“.

*Epistola s. Congregationis Concilii ad Episcopum Brixien.*

Rmne Domine. Consuluit Amplitudo tua SSimum D. N.: An laicis in civitate ista et dioecesi negotiantibus, conjugatis, item qui sacrosanctam Eucharistiam frequentius aut etiam quotidie sumunt, nec tamen ullo insigni in virtutibus progressu antecedere cernuntur, expediret certos aliquos dies statuere, quibus tantummodo communicarent? Re autem hujusmodi ab ejus Sanctitate ad sacram Congregationem Cardinalium Concilii Tridentini interpretum delata Illumi Patres unanimi sententia ita censuerunt: Et si frequens quotidanusque usus hujus admirandi Sacramenti a sanctis Patribus fuerit semper in Ecclesia probatus, nunquam tamen aut saepius illud percipli aut ab eo abstinendi certis singulis mensibus aut hebdomadis dies statuerunt, quos nec Concilium Tridentinum praescripsit, sed quasi humanam infirmitatem secum reputaret, nihil praecipiens, quid cuperet, tantum indicavit, cum inquit: *Optaret quidem sacrosanta Synodus, ut in singulis missis fideles adstantes Sacramenti Eucharistiae perceptione communicaient.* (Sess. 22. cap. 6., de sacrificiis.) Idque non immerito. Multiplices enim sunt conscientiarum re-

cessus, variae ob hujusmodi negotia spiritus alienationes, multae contra gratiae et Dei dona parvulis elargita, quae cum humanis oculis scrutari non possimus, nihil certe de cujusque dignitate atque integritate et consequenter de frequentiori aut quotidiana vitalis panis esu potest constitui. Et propterea quod ad negotiatores ipsos attinet, frequens ad sacram alimoniam percipiendam accessus confessariorum secreta cordis explorantium judicio est relinquendus, qui ex conscientiarum puritate et frequentiae fructu et ad pietatem processu laicis negotiatoribus et conjugatis, quod persipient eorum saluti profuturum, id illis prescribere debebunt. In conjugatis autem hoc amplius advertent, cum B. Apostolus nolit eos invicem fraudari, nisi forte ad tempus ut vident orationi, eos serio admoneant, tantum magis ad sacratissimae Eucharistiae reverentiam continentiae vacandum puriorique mente ad coelestium epularum communionem esse convenientem. In hoc igitur pastoralis diligentia potissimum invigilabit, non ut a frequenti aut quotidiana sacrae Communionis sumptione unica praecepti formula aliqui deterreantur aut sumendi dies universe constituentur, sed magis quod singulis permittendum per se aut per parochos seu confessarios sibi decernendum putet, illudque omnino provideat, ut nemo a sacro convivio seu frequenter seu quotidie accesserit repellatur. Et nihilominus det operam ut unusquisque digne pro devotionis et praeparationis modo rarius aut crebrius dominici corporis suavitatem degustet. Quod autem de monialibus quotidie sacram communionem petentibus Amplitudo tua quaeritur, admonendae illae erunt, ut diebus ex earum ordinis instituto praestituti communicent: Si quae vero puritate mentis eniteant et fervore spiritus ita incaluerint, ut dignae quo-

tidiana SSimi Sacramenti perceptione videri possint, id illis a superioribus permittatur. Proderit etiam praeter parochorum et confessariorum diligentiam opera quoque concionatorum ut et cum eis constitutum haberi ut, cum fideles ad SSimi Sacramenti frequentiam (quod facere debent) accederint, statim de magna ad illud sumendum praeparatione orationem habeant generatim ostendant, ut qui ad quotidianam aut frequentiorem salutiferi cibi sumptionem devoto studio excitantur, debere, sive laici negotiatores sint sive conjugati, suam agnosceret infirmitatem, ut dignitate Sacramenti ac divini judicii formidine discant coelestem mensam, in qua Christus est revereri, et si quando se minus paratos senserint, ab ea abstinere seque ad majorem praeparationem accingere. Est autem quod Amplitudo tua de hujusmodi in ista civitate et dioecesi erga SSimum Sacramentum devotione gratias Deo agat, quam ipsa adhibito prudentiae et judicii temperamento alere debet suoque officio postulari sibi maxime persuadebit, nulli labore aut diligentiae parendum, ut omnis irreverentiae et scandali suspicio in veri et immaculati Agni perceptione tollatur virtutesque et dona in sumentibus augentur. Quod abunde continget si illi, qui de solo hujusmodi studio, divina praestante gratia, tenentur seque sacramentissimo pane frequentius refici cupiunt, suas vires expendere seque probare cum timore et charitate assueverint. Quibus Christum Dominum, qui se fidelibus manducandum et pretium in morte tradidit atque in coeli regno se praemium est daturus, precamur, ut suam opem ad dignam praeparationem et sumptionem largiat, Amplitudinemque tuam, quo in hoc uno maxime incumbere aliqua pastoralia munera explere possit, in columem tueatur. Romae 24. Jan. 1587.“

*Votum Domini Michaelangeli Ricci.*

*Ad 1.*: Quotidianam communionem neque saecularibus neque regularibus convenire, nisi ea sint animi affectione, quam Salesius describit, et de licentia superiorum. Praeterea sanctiorem quoque praeparationem adhibent, quam etiam sanctos postulare patres ostendit.“

*Ad 2. et 3*: Sanctimoniales et earum famulas sui monasterii constitutiones et acceptas a majoribus traditiones in Eucharistia sumenda custodire debere.“

*Ad 4*: Ordinarii ne patientur privatis in domibus atque omnino extra ecclesias et ad divinum tantum cultum dedicata oratoria ab eis designanda et visitanda Eucharistiam fidelibus distribui, nisi quis fuerit graviter infirmus.“

*Ad 5*: SSmmus D. N. exemplo B. Pii V. epistolam decretalem ad Hispaniarum episcopos mittat, in qua primum damnet eos errores, qui quotidiam communionem divino jure sanctam fuisse affirmant, et caetera proponat quae ad superiora quæsita fuerunt data responsa. Prohibeat particulas binas dari fidelibus et vetet sub poenis sanctimoniales confiteri peccata nisi confessario ordinario seu extraordinario ab episcopo approbando et deputando.“

*Votum Revdmi Archiepiscopi Brancatii.*

Quotidianam communionem vel magis raram esse permittendam vel abnegandam illis personis, quibus prudenter et judicium confessariorum juxta personarum qualitatem et statum esse deferendum existimaverit et se in totum referat epistolæ s. Congregationis Concilii scriptæ Episcopo Brixensi.“

*Votum P. Soccini.*

*Ad 1.*: Tenet sequendam esse et tenendam quandam medium ac regiam viam, scilicet dignos et justos posse

quotidie accedere ad sumendam sanctam Eucharistiam, sed temere usurpandam illam non esse, et ideo remittendum erit pio docto ac prudenti directori, quem unusquisque sibi elegit pro salute suae animæ.“

*Ad 2.*: Quoad moniales et earum servas omnino servandum esse, quod hac de re statutum habetur ab earum regulis et constitutionibus.“

Quoad delationem SSmmi Sacramenti occulte et absque solemnitate, nullo modo id licitum esse, neque enim deferri debet sine solemnitatibus in Rituall statutis, nec non in domo nullius nisi aegrotantis.“

*Votum P. Lauriae.*

Omnibus episcopis illorum dioecesum, in quibus controvertitur haec quotidiana communio, transmittendum esse exemplum Epistolæ s. Congregationis Concilii Episcopo Brixensi directæ et haec sequentia addenda esse:

1. „Errorem esse, quod quotidiana communio sit de jure divino præcepta vel prohibita.“

2. „Irreligiosum esse, quod sine debitis præparamentis quis, licet peccato mortali careat, ad communionem quotidiam vel rariorem accedat.“

3. „Indecens esse Sacramentum Eucharistiae domi retinere vel deferre nisi infirmitatis causa, aliter non esse licitum. Nec non conjugatos vel saeculares abstinentes esse a communione, quando nocte præcedenti debitum matrimoniale exegerunt vel mundanis negotiis sunt vacaturi.“

4. „Indignos esse et irreligiosos illos, qui, si peccato se carere judicent, nulla alia præparatione præmissa ad Sacramentum Eucharistiae accedunt.“

„Et contravenientes per Pastores ecclesiarum coercendos esse et omni juris et facti remedio puniendos.“

*Votum P. Marracci.*

*Ad 1. 2. et 3* respondit: non improbare neque laudare quotidianam communionem; si enim bene dispositi et animi præparati quotidie accedunt ad Sacramentum eucharistiae, bene agunt; sin tepide et irreverenter accedunt ad illud, male agunt et ideo debet totum id remitti arbitrio confessarii“.

In nonnullis regionibus partim Hispaniarum est adeo frequens et radicata communio quotidiana tam inter seculares quam inter moniales illarumque servas, ut, nisi apostolicae sedis remedio occurratur, augustissimi eucharistiae Sacramenti contemptui consuli nequeat. „Malum hoc eo magis perniciosum, quia confessari metu verbi Dei prædicatores frequentiam hanc verbo scriptisque evulgant et inculcant, quasi ea sit divino jure sancta et sola mortalis parentia præparationi sufficiat“.

„Adhuc inter moniales ulteriora scandalorum capita emergunt, quoniam, dum unus confessarius excipiendis singularum confessionibus impar est, complures ad sacrum convivium inconfessae accedunt, auditoque communionis signo ex officinis et e lecto turmatim convolant, non paratae; ex quo etiam fit, ut chorus quotidie remaneat destitutus. Nonnullae etiam vigore bullæ cruciatae prætendent etiam in hac quotidiana communione eligere sibi quemlibet in confessarium imo sacerdotem quemcumque etiam ab Ordinario non approbatum, sub prætextu, quod constitutiones apostolicae intelligendae sint de confessionibus mortalium non venialium, quae sunt materia voluntaria. Et in hoc taxandi sunt regulares, qui tales opiniones insinuant“.

„An et quomodo communio quotidiana permittenda vel restringenda quoad saeculares?“

2) „Quoad moniales?“

3) „Istarum servas?“

4) „An et quomodo domestica communio permittenda vel limitanda?“

5) „Ac demum quo pacto prænaratis abusibus consulendum?“

„Praemissis ad SSmm D. N. relatis Sanctitas Sua meam sententiam et quinque Theologorum, quorum nomina

cant absque ullo discrimine, dum regulares privatim ad eos deferunt Eucharistiam etiam in crumena aut ex privato oratorio, in quo celebrent, sub prætextu, quod communio quotidiana sit de jure divino; ideoque quodlibet impedimentum accedendi ad ecclesiam id licitum reddat“.

„Accedit, quod consueverunt nonnulli eorum devotis duas sacras formas tradere, ut magis perduret sacramenti existentia, quod alii intelligentes de hac partialitate dolent“.

„Et quamvis S. C. C. alias in simili casu ab Episcopo Brixensi consulta responderit, non posse certos abstinendi aut sumendi dies praescribi, sed hoc totum remittendum arbitrio confessariorum, qui pro modo præparationis et devotionis id fidelibus juxta singulorum casum circumstantias, nec non prædicatoribus injungendum, ut statim post commendatam frequentiam dignae præparationis necessitatem inculcarent, quoniam, qui sumit indigne, judicium sibi manducat et bibit: nihilominus, quoniam in praesenti ipsimet confessarii et prædicatores præmissarum opinionum fautores frequentiam insinuant, excogitandum est non solum quid tenendum sed etiam quid facto opus sit. Totius igitur rei inspectio versari debet circa infrascripta videlet:“

„An et quomodo communio quotidiana permittenda vel restringenda quoad saeculares?“